



内閣文庫	
番號	漢 3160
冊數	178 ( 16 )
函號	371 2



易林焦氏

周易略說王

元向經數衛

易傳蘇氏

易釋文陸氏

易傳京

易傳關

易辭李

周易舉正鄭

正易心法麻衣子

續集二

易十家序

易曰形而上者謂之道形而下者謂之器苟因其固然天地萬物俱爲妙道之行也昧於其所以然則仁義禮樂皆屬餘才而

易文

易卷一  
俱足以自累故上下者舉一形  
而精麓言之非德成而上藝成  
而下截然兩物可容意致取舍  
於其間也古簪聖人之作易也  
妙觸宣明遠求近取義苟在健  
何必於馬道苟在順何必於牛  
乾爲龍而亦可爲馬非牛而可  
以爲牛坤爲牛而又可以爲馬  
縱橫流漫不主故常通神明之  
德而類萬物之情易蓋性命之

文也歐陽子乃疑繫辭繁衍叢  
脞非聖人之作又首尾相戾不  
可以爲典要夫不外象以求意  
而徒責言以害志則乾爲馬屯  
有馬而無乾坤爲牛離有牛而  
非坤乾之六龍或疑於震坤之  
牝馬當反爲乾是全經皆可疑  
也而何獨於繫辭乎又道不可  
言可言皆其似也重離六爻  
偏正回互錯然則吉不可犯忤

達者因似以識真故舉其似而告之紫陽乃謂蘇氏之易畏人之指其失也故每爲不可言不可見之說以先後之務爲閃倏滉漾不可捕捉之形使讀者茫然雖欲攻之而無措其辨不知善易者或予或奪或擒或縱如善書者江轂劒氣皆足助之以發機彼歐公朱子殆臨摹之家從門而入心未忘手手未忘筆

忽語以漏痕釵脚之玄微大爲  
徑庭而不近情矣或曰以此語  
歐公疑聖人之易可矣蘇氏之  
易或未可比而同之也余曰余  
所謂苟因其固然天地萬物俱  
爲妙道之行也易曰一致而百  
慮精義入神以致用也過此以  
往未之或知也夫苟精義而入  
神入神以致用操縵安絃承蜩  
履狝聖神功能其致一耳而又

何疑於蘇氏之易乎且余更舉  
書灋以明之褚河南虞永興其  
灋皆本於蘭亭然妙處不在於  
逼真以形類者精義之功可勉  
而致也若夫神似而形不似獨  
運而無與爲偶褚虞與王一致  
之處也入神以致用技而坐進  
乎道矣易曰乾元用九乃見天  
則子曰加我數年五十以學易  
可以無大過矣先天而天弗違



也易曰不遠復无祗悔元吉子  
曰顏氏之子其殆庶幾乎有不  
善未嘗不知知之未嘗復行也  
後天而奉天時也故曰乾知大  
始復以自知顏子歿而聖人之  
學不傳或雜而著或見而不失  
其居皆從屯蒙入手耳上之未  
能至於聖神而下之僅可以寡  
過故曰无咎者善補過也雖復  
變易以從道然終身特囿於理

之所當然而未能過此以往耳  
過此而功用息矣道與器無定  
名矣於聖爲絕學於藝爲絕技  
未之或知也矣易曰三人行則  
損一人一人行則得其友言致  
一也言乎獨運而無與爲偶者  
也余讀子晉刻十家之易言雖  
人異而皆有獨運之處文惠君  
曰善哉吾聞庖丁之言得養生  
焉若子晉始可與言易也已矣

戊寅冬日西昌蕭士瑋書於虞

山舟次



周易變卦序

大凡變化象數莫逃乎易惟人之情偽最為難知  
筮者尚占憂者與處贛明且哲乃留其術俞巖耕  
東鄙目前困蒙客有枉駕蓬廬以焦辭數軸出示  
俞嘗讀班史列傳及歷代名臣譜系諸家雜說之  
文盛稱自夫子授易於商瞿僅餘十輩延壽經傳  
於孟喜固是同時當西漢元成之間凌夷厥政先  
生或出或處輒以易道上干梁王遂為郡察舉詔  
補小黃令而邑中隱伏之事皆預知其情得以寵

異蒙遷秩亦卒於官次所著大易通變其卦總四千九十六題事本彌綸同歸簡易辭假出於經史其意合於神明但齊潔精專舉無不中而言近意遠易識難詳不可瀆蒙以爲辭費後之好事知君行者則子雲之書爲不朽矣昔聖唐會昌景虞歲周正主白靈越之雲溪漢王俞序

較定焦贛易林序

承議郎行秘書省較書郎臣黃伯思所較焦延壽易林中或字誤以快爲快以羊爲手以喜爲嘉以鶴爲鵠義可兩存焦延壽者名贛梁人以好學得幸梁王王供其資用令極意學既成爲郡吏舉補小黃令但有盜先知盜遂無敢舉者考最當遷吏民上書乞留詔許增秩卒于小黃世人謂延壽之法凡筮得某卦則觀其所之卦林以占吉凶或卦爻不動則但觀本卦林辭爻本影有王似者於雍

熙二年春遇異人筮得觀之賁林云東行無門西出華山道塞於難遊子為患之語最為有準後之觀者不可不辨延壽所著雖卜筮之書出於陰陽家流然當西漢中葉去三代未遠文辭雅淡頗有可觀覽謹錄上

雜識

東萊費直長翁曰六十四卦變占者王莽時建信天水焦延壽之所撰也夫易廣矣大矣以言乎遠則不禦以言乎邇則靜而正以言乎天地之間則備矣然易謂六十四卦也推而言之則繇說卦之所未盡故連山歸藏周易皆異詞而共卦雖三家並行猶舉一隅耳贛善於陰陽復造此以致易未見者其射存亡吉凶遇其事類則多中至於糜碎小事非其類則亦否矣贛之通達隱幾聖人之一

隅也延壽獨得隱士之說

前漢書京房字君明治易事梁人焦延壽名贛贛貧賤好學得幸於梁王王供其資用令極意學既成爲郡吏察舉補小黄令以伺候先知姦邪盜賊不得發愛養吏民化行縣中舉最當遷三老官屬上書願留贛有詔許增秩留卒於小黄贛嘗曰得我以亡身者京生也其說長於災變分六十卦更直日用事以風雨寒溫爲候各有占驗房用之尤精

孟康曰分卦直日之法一爻主一日六十卦爲三百六十日餘四卦震離兌坎爲方內監司之官所以用震離坎兌者是二至二分用事之日又是四時各專主之氣各卦主一日其占法各以其日觀善惡

卷三  
 青長一至二  
 為丈內  
 紀驗

紀驗

沙隨程迥記驗

宣和末長慶福崔相公任州日其時晏清無事思  
 此聖書虔誠自卜得大過卦云典冊法書藏在蘭  
 臺雖遭亂潰獨不遇災之遯卦辭曰坐席未温憂  
 來扣門踰墻北走兵來我後脫於虎口其時卜後  
 十日州亂崔相公踰墻而出家族不損無事歸京  
 乃知此書賢人所製初雖難會後詳無不中節見  
 者當所敬重黃金自貴未能蒙於此書

紹興末完顏亮入寇時有人以焦贛易林筮遇解  
之大壯其辭曰驕胡火形造惡作凶無所能成遂  
自滅身其親切應驗如此雖天綱淳風不能過也  
開闢以來惟亮可以當之延壽著書何以知後世  
有亮也其漢焦延壽傳易於孟喜行事見儒林傳  
中此其所著書也費直題其前曰六十四卦變又  
有唐王俞序所書每卦變六十四總四千九十六  
首皆爲韻語與左氏傳載鳳凰于飛和鳴鏘鏘漢  
書所載大橫庚庚予爲天王之語絕相類豈古之  
卜者有此等書耶



焦氏易林卷之一

漢 小黃令焦贛延壽 著

乾之第一

道陟多阪胡言連蹇譯瘠且聾莫使道通請  
謁不行求事無功

坤 招殃來螫害我邦國病傷手足不得安息

屯 陽孤亢極多所恨惑車傾蓋亡身常憂惶乃  
得其願雌雄相從

蒙 鵠鵠鳴鳩專一無尤君子是則長受嘉福

瘠一作瘠

需 日暘足動喜如其願舉家蒙寵

訟 龍馬上山絕無水泉喉焦唇乾舌不能言

師 倉盈庾億宜種黍稷年豐歲熟民人安息一作

國家富有人民蕃息  
與比之升坤之恒同

比 中夜犬吠盜在墻外神明祐助消散皆去

小畜 据斗運樞順天無憂所行造德與樂並居

履 空拳握手委地更起富饒豐衍快樂無已

泰 不風不雨白日皎皎宜出驅馳通理大道與坤

同

否 載日晶光驂駕六龍祿命徹天封為燕王

同人 子號索哺母行求食反見空窠訾我長息

大有 上帝之生福祐日成修德行惠樂且安寧

謙 山險難登澗中多石車馳韉擊載重傷軸擔

負差躓踈跌右足

豫 禹鑿龍門通利水源東注滄海民得安從一作

存

隨 乘龍上天兩蛇為輔踴躍雲中遊觀滄海民

樂安處

蠱 彭祖九子據德不殆南山松柏長受嘉福  
 臨 南山昊天刺政關身疾悲無辜背憎為仇  
 觀 江河淮海天之與府眾利所聚可以饒有樂  
 我君子  
 噬嗑 堅冰黃鳥常哀悲愁不見甘粒但見藜蒿  
 數驚鷲鳥為我心憂  
 賁 室如懸磬既危且殆早見之士依山谷處  
 剝 大禹戒路蚩尤除道周匝萬里不危不殆見  
 其所使無所不在

復 三人為旅俱歸北海入門上堂拜謁主母飲  
 勞我酒

无妄 傳言相誤非于徑路鳴鼓逐狐不知跡處  
 大畜 三年爭妻相逐奔馳終日不食精氣勞疲  
 頤 純服黃裳戴上以興德義既生天下歸仁  
 大過 桀跖並處人民愁苦權兵荷糧戰於齊魯  
 坎 黃鳥來葉既嫁不答念我父兄思復邦國  
 離 胎生孚乳長息成就充滿帝室家國昌富  
 咸 三人求橘反得大栗女青以富黃金百鎰

權一作權

恒 東山西岳會合俱食百家送從以成恩福  
 遯 駘雞無距與鵠交鬪翅折目盲為鳩所傷  
 大壯 卻大墻壞蠹衆木折狼虎為政天降罪罰  
 高弒望夷胡亥以斃

晉 三癡俱走迷路失道惑不知歸反入患口  
 明夷 弓矢俱張把彈折絃九發不至道遇害患  
 家人 三女求夫不見復關伺候山隅長思憂歎  
 睽 陽旱炎炎傷害禾穀稽人無食耕夫歎息  
 蹇 騎狫逐羊不見所望徑涉虎廬亡羝失羔

解 暗昧冥語相傳誑誤鬼魅所舍誰知臥處  
 損 姬姜祥淑二人偶食論仁議福以安王室  
 益 公孫駕驪載聘東齊延陵說產遺季紵衣  
 夬 孤竹之墟失婦亡夫傷於蒺藜不見少妻東

郭堂姜武氏以亡 亡音無

姤 仁政不暴鳳凰來舍四時順節民安其處  
 萃 任劣力薄孱驚恐怯如蝟見鵠不敢拒格  
 升 衛侯東遊惑於少姬亡我考妣又逝不來  
 困 噂噂所言莫如我垣歡喜堅固可以長安 有大

棠

屯之

井 龜鳴岐山鼈應山淵男女媾精萬物化生文

王以成爲開周庭

成一作寧

革 玄黃虺隤行者勞疲役夫憔悴踰時不歸

鼎 勃足剛跟不私出門市賈不利折亡爲患

震 懸貍素餐居非其安失輿剝廬休坐徒居

艮 民怯伐惡姦人所伏寇賊大至入我邦郭妻

子係獲

一本爲歸妹辭

漸 陽低頭陰仰首水爲凶傷我寶進不利生其

子

歸妹 背北相憎心意不同如火與金

一本爲艮辭

豐 太微帝室黃帝所值藩屏固衛不可得入常

安無患

旅 繭栗犧牲敬享鬼神嗜飲食受福多孫

巽 出門逢惡爲患爲怨更相擊刺傷我手端

兌 鷁飛中退舉事不進宋人亂潰

渙 跛躄相隨日暮牛罷陵遲後旅失利三雌

泰之

復

節 龍角博顛位至公卿世祿久長起動安寧  
中孚 舜升大禹石夷之野徵詣王庭拜治水土

師之小畜同

小過 從風放火荻芝俱死三害集亡叔子中傷

既濟 梗生荆山命制輪班袍衣剝脫夏熱冬寒

飢餓枯槁衆人莫憐

未濟 長面大鼻來解已憂遺吾福子惠我嘉喜

坤之第二

坤 不風不雨白日皎皎宜出驅馳通利大道

乾 谷風布氣萬物出生萌庶長養華葉茂盛

屯 蒼龍單獨與石相觸摧折兩角室家不足

蒙 城上有馬自名破家招呼醜毒為國災患

需 霜降閉戶蟄虫隱處不見日月與死為伍小畜

之解

訟 天之德室溫仁受福衣裳所在凶惡不起

師 皇陛九重絕不可登謂天蓋高未見王公

比 孔德如玉出于幽谷飛上喬木鼓其羽翼輝

光照國

小畜 五範四軌復得饒有陳力就列騶虞悅喜  
 四足無角君子所服南征述職以惠我國  
 履 弊筍在梁魴逸不禁漁父勞苦連室乾口  
 泰 雷行相逐無有攸息戰于平陸為夷所覆  
 否 六龍爭極服在不飾謹慎管鑰結禁無出  
 同人 長男少女相向共語析薪在尅福祿歡喜  
 大有 遷延惡人使德不通災火為殃禾稼大傷  
 謙 修其翰翼隨風向北至虞夏國與舜相得年  
 歲大樂邑無盜賊

豫 鈇刀攻玉堅不可得盡我筋力眠繭為疾之比

隨 舉袂覆目不見日月衣裳簞簞就長夜室之泰

同臨

蠱 賊人傷德大怒不福斬刈宗社失其邦國

臨 白龍赤虎戰鬪俱怒蚩尤敗走死於魚口

觀 北辰紫宮衣冠立中含和建德常受天福之需

夫坤之解俱同

噬嗑 稷為堯使西見王母拜請百福賜我嘉子

賁 二人異趣反覆迷惑一身五心亂無所得  
剝 南山大獲盜我媚妾怯不敢逐退而獨宿  
復 衆尤所逐反作尖怪九身無頭魂驚魄去不  
可以居

无妄 延頸遠望昧為目病不見叔姬使伯心憂  
大畜 典冊法書藏在蘭臺雖遭亂潰獨不遇災

大有  
之恒

頤 自衛反魯時不可與冰炭異室仁道隔塞  
大過 癘癭禿疥為身瘡害疾病癘殘常不屬遠

坎 東齊郭廬嫁於洛都俊良美好媒利過倍

離 齊魯爭言戰於龍門構怨連禍三世不安比

蠱  
之睽

咸 膏澤肥壤農人豐敞利居長安歷世無患乾

師  
比  
之升

恒 倉盈庾億宜種黍稷年豐歲熟民得安息

遯 鳴鴉破府邦人危殆賴旦忠德轉禍為福傾

危復立

大壯 歲飢無年虐政害民乾溪驪山秦楚結冤



晉 捫澌累累締結難解嫫母銜嫁媒不得坐自  
為身禍

明夷 嘗阪開門鶴鳴彈冠章甫進用舞韶和鸞

三人翼事國無災患

家人 姊妹本居與類相扶願慕羣醜不離其友

睽 邶鄆反言父兄生患涉此憂恨卒死不還

蹇 二人逐兔各爭其得愛妾善走多獲其子

解 北辰紫宮衣冠立中舍和建德常受天福

觀需之夬

損 拜跪請免不得其哺俛首銜枚低頭北去

益 鶴盜我珠逃於東隅求我郭墟不見所居

夬 一簧兩舌妄言謀訣三姦成虎曾母投杼

姤 伯虎仲熊德義洵美使布五谷陰陽順序一作

孤獨特處莫與為旅身自勞苦使布五谷陰陽順序

萃 褰衣涉河澗流浚多賴遇舟子濟脫無它

升 憑河登山道路阻難求事少便

困 免置之容不失其恭和謙致樂君子攸同

井 三女求夫伺候山隅不見復關泣涕漣洳

革 螟蟲為賊害我五穀簞笥空虛家無所食之需

明夷

鼎 望尚阿衡太宰國公藩屏輔弼福祿來同

震 三牛生狗以戌其母荆夷上侵姬伯出走之需

訟否之姤

艮 塗回道塞求事不得

漸 探懷得蚤所愿失道一本下有無有凶憂善居漸好

歸妹 飛蟻遇道趾多擾垣居之不安覆厭為患

豐 義不勝情以欲自傾幾危利寵折角摧頭

旅 潼滂蔚蒼扶首來會津液下降流潦滂霈

巽 白駒生芻猗猗盛姝赫誼君子樂以忘憂

兌 車馳人趨卷甲相仇齊魯寇戰敗於大丘

渙 舉首望城不見子貞使我悔生

節 龍鬪時門失理傷賢內畔生賊則生禍難

中孚 安如泰山祿祐屢臻雖有豹虎不敢危身

小過 初憂後喜與福為市八佾列陳飲御嘉友

訟之坎

既濟 持刀操肉對酒不食夫行從軍少子入獄

抱膝獨宿

未濟 陰衰老極陽建其德履離戴光天下照明

功業不長蝦蟆太王

否之无妄 大有之臨

屯之第三

屯 兵征大宛北出玉關與胡寇戰平城道西七

日絕糧身幾不全

乾 汎汎柏舟流行不行耿耿寤寐心懷大憂仁

不逢時復隱窮居

坤 採薪得麟大命隕顛豪雄爭名天下四方

之豫

木齊

蒙 山崩谷絕大福盡竭涇渭失紀王曆盡已

需 夏臺羗里文王所厄鬼侯輸賄商王解合

訟 泥津汙辱棄捐溝瀆所共笑哭終不顯錄

師 李梅冬實國多盜賊擾亂並作君不得息

同人

之損

比 獐鹿逐牧飽歸其居反還次舍無有疾故

之訟

小畜

小畜 夾河為婚期至無船淫心失望不見所歡

履 百足俱行相輔為強三聖翼事王室寵光比之

无妄

泰 坐位失處不能自居調攝違和陰陽顛倒

否 登凡上輿駕駟南遊合從散橫燕秦以強

同人 三系維弩無益於輔域弱不守郭君受討

大有 河伯大呼津不得渡船空無人往來亦難

謙 甘露醴泉太平機關仁德感應歲樂民安大過

未濟

豫 重茵厚席循高採藿雖躓不懼後反其處云一

猿墮高木痺蹠手足保我金玉還歸其室

隨 太乙駕騶從天上來徵我叔季封為魯侯無

有凶憂

蠱 南已大安石斛戟天所指不已已老復一將

羞乃嫁墟弊室舊更為新家

臨 家給人足頌聲並作四夷賓服于戈韜閣一作

觀卦

觀 東隣嫁女為王妃后莊公築館以尊主母歸

于京師季姜悅喜一作臨卦否之既濟

噬嗑 陳媯敬仲北興齊姜營丘是適八世大昌

姤之師  
比之豫

賁 路多枳棘步刺我足不利旅客為心作毒損卦

同

剝 天官列宿五神室屋空門完堅君安其居

復 牧羊稻園聞虎呻喧懼畏惕息終免禍患否之節

節

无妄 鳴條之災北奔大胡左衽為長國號匈奴

主君旄頭立尊單于

大畜 尅身潔已逢禹巡狩錫我玄珪拜受錫佑

頤 冬華不實國多盜賊疾病難醫鬼哭其室

大過 襄送季女至于蕩道齊子旦夕畱連久處

坎 朽根倒樹花葉落去卒逢火焮隨風偃仆

離 陰變為陽女化作男治道得通君臣相承

咸 炎絕續光光滅復明簡易理得仍成乾功

恒 多載重負捐棄于野王母誰子但自勞苦

遯 江河海澤衆利安宅可以富有飲御嘉客

大壯 冬採薇蘭地凍堅難利走東北暮無所得

晉 烏鵲嘻嘻天火將起燔我室屋災及妃后  
明夷 蠱室蜂戶螫我手足不可進取為身害咎

履之  
泰

家人 崔嵬北嶽天神貴客溫仁正直主布恩德

開衣不見蒙受大福

睽 伯蹇叔盲莫與守牧失我衣裘代已除服  
蹇 為季求婦家在東海水長無船不見欣歡  
解 山陵丘墓魂魄失舍精神盡竭長寢不覺  
損 跨牛失角下山傷軸失其利祿過在誰孰

益 水戴船舟無根以浮往來溶溶心勞且憂  
夬 有鳥來飛集于古樹鳴聲可惡主將出去  
姤 東徙不時觸患離憂并泥無濡思叔舊居  
萃 黃帝所生伏羲之宇兵刃不至利以居止

履之  
家人

升 東山極亂處婦息夫勞我君子役使休止  
困 跛躓未起失利後市不得鹿子  
井 大蛇當路使我畏懼湯火之災切近我膚賴

其天幸趨於主廬

損之  
比

革 從容長閒遊戲南山拜祠祀神神使免患

一作

卦震

鼎 區脫康居慕仁入朝湛露之歡三爵畢恩復

歸野廬與母相候

震 龜鼈列市河海饒有長財善賈商季悅喜

一作

卦革

艮 年常蒙慶今歲受福三伏採芑出君有得

漸 二人俱東道路爭訟意乖不同使我凶凶

歸妹 樹栽藿豆為鹿兔食君不慎護秋無收入

豐 黃鳥悲鳴愁不見星困於鸞鷁使我心驚

旅 雙鳧俱飛欲歸稻池經涉荏澤為失所射傷

我胸臆

否之晉

巽 久客無休息歸故鄉霖雨盛溢道未得通

兌 道路僻除南至東遼衛子善辭使國無憂

渙 同枕共袍中年分去價少無利獨居愁思

節 衆神集聚相與議語南國虐亂百姓愁苦興

師征討更立賢王

小畜之豫

中孚 北陸閉蟄隱伏不出目盲耳聾道路不通

小過 痴狂妄作心誑善惑迷行失路不知南北  
既濟 棟隆輔強寵貴日光福善並作樂以高明  
未濟 受我嬰女牽衣不與冀幸高貴反曰賤下

蒙之第四

蒙 何草不黃至未盡玄室家分離悲愁於心

乾 海為水王聰聖且明百流歸德無有畔逆常

饒優足 損之履

坤 天之所佑禍不過家左輔右弼金玉滿匱常  
盈不亡富如厥倉

屯 安息康居異國穹廬非吾習俗使我心憂

需 范公陶夷善賈飾資東之營丘易字子皮把

珠載金多福利歸

訟 老楊日衰條多枯枝爵級不造遂乃摧墮 泰之

咸

師 小狐渡水汗濡其尾科得其幾與道合符

比 豕生如魴鼠舞庭堂雄俟施姜上下昏黃君

失其邦

小畜 天地配享六位光明陰陽順序以成厥功



訟之震

履 蹀踵足傷右指病癱失旅後時利不走歸

泰 思體同恩各有所屬西隣孤媪欲寄我室主

母罵詈求子不得

否 操鉅鄉畝祈貸稷黍飲食充中安和无咎

同人 新受大寵福祿重來樂且日富豪慶得財

大有 舉盃飲酒指宜失取無益温寒亡利不懼

謙 日月相望光明盛昌三聖茂承功德大隆師之

節否之貴 噬嗑之需

豫 猾夫爭強民去其鄉公孫叔子戰於城南

隨 猿墮高木不踈手足保我全生還歸其室否之

臨蠱之豫 訟之艮

蠱 逐狐東山水過我前深不可涉失利後便

臨 鑿井求玉非卞氏寶名困身辱勞無所得

觀 黃玉温德君子所服甘露溽暑萬物生茂

噬嗑 畫龍頭頸文章不成甘言美語說辭無名

賁 招禍致凶來弊我邦病在手足不得安息

剝 履位束勢靡有絕斃贊為隸圖與衆庶伍

復 獐鹿雉兔羣聚東圃盧黃白脊俱往追逐九  
斲十得君子有喜

无妄 織金未成緯畫無名長子逐兔鹿失先路  
見利不得

大畜 天厭周德命與仁國以禮靖民兵革休息  
頤 重譯買芝來除我憂善說遂良與喜相求

大過 膏澤肥壤人民安樂宜利俱止長安富有  
坎 白龍黑虎起伏暴怒戰於阪泉蚩尤敗走居

止不殆君安其所 同人之比 益之比

離 抱關傳言聾跛摧筋破賊無災不安其所

咸 憂禍解除喜至慶來坐立歡門與樂為隣 小畜

井之

恒 折鋒載父與馬放休狩軍褒營天下安寧

遯 至德之君仁政且温伊呂股肱國富長安

大壯 千里望城不見青山老兔蝦蟆遠絕無家

晉 有莘季女為夏妃后貴夫壽子母于四海

明夷 不虞之患禍至無門奄忽暴卒痛傷我心

家人 飛鷹退去不食雉雞憂患心解君主安居

睽 踉蹉側跌申酉為崇戌亥滅明顏子隱藏  
 蹇 司錄憑怒謀議無道商民失政殷人乏祀  
 解 望雞得雛求馬獲駒大德生少有廖從居  
 損 切切怛怛如將不活黍稷之恩靈輒以存獲  
 生保年

益 莫莫輯輯夜作晝匿謀議我資來攻我室空  
 盡我財幾無我食

夬 天之所壞不可強支衆口遭笑雖貴必危  
 姤 目動頰暍喜來加身舉家蒙歡吉利無殃

萃 龜羹芬香染指拂裳口飢打手公子恨讒  
 升 天福所艷兆知飛龍成予得志六二已興  
 困 珉伯以婚抱布自媒棄禮急情卒罹悔憂  
 井 夏姒親附心聽悅喜利以博取無言不許  
 革 南山旻天刺政閔身疾悲無辜背憎為仇一作

卦 艮

鼎 三人為旅俱歸北海入門上堂拜謁王母勞  
 賜我酒

震 陽淫旱病傷害稼穡喪刈病來農人無食一作

艮 攫飯把肉以就口食所往必得無有虛乏

一作

卦井

漸 鳥飛無翼兔走折足雖欲會同未得已惑

卦革

歸妹 體重飛難不得踰關行坐憂愁不離室垣

豐 四雄並處人民愁苦擁兵東西不得安所

旅 譯重開牢求解已憂心感乃成與善俱居

巽 患解憂除王母相予與喜俱來使我安居

兌 冬生不花老女無家霜冷蓬室競為枯株

渙 震慄恐懼多所畏惡行道畱難不可以涉

節 三夫共妻莫適為雌子無名氏翁不可知

中孚 早凋被霜花葉不長非時為災家受其殃

小過 雉兔之東狼虎所食貪饕凶惡不可止息

既濟 馬驚破車王墮深溝身死魂去離其室廬

未濟 山林麓藪兆人所往鳥獸無禮使我心苦

需之第五

需 久旱三年草木不生黍盛空乏無以供靈

乾 火滅復息君明其德仁人可遇身受利祿

坤 溫山松柏常茂不落鸞凰所庇得其歡樂之否

恒

屯 四誅不服恃強負力倍道趨敵師徒敗覆之益

同人

蒙 三塗五岳陽城大室神明之保獨無兵革

訟 三牛生狗以戍其母荆夷上侵姬伯出走之坤

震否  
之姤

師 鳧遊江海沒行千里以為死亡復見空桑長生樂鄉

比 太乙駕騶從天上來徵君叔季封為魯侯無

有凶憂屯之隨否  
之大壯

小畜 任宿獨居寡處無夫陰陽失志為人僕使

履 兵征大宛北出玉門與胡寇戰平城道西七

日絕糧身幾不全與屯  
同

泰 楚靈暴虐罷及民力禍起乾溪棄疾作毒扶

杖奔逃身死灰室

否 雌單獨居歸其本巢毛羽憔悴志如死灰

同人 兩矛相刺勇力鈞敵交援結和不破不缺

交援名  
退兵也

大有 乘船渡濟載水逢火賴行免禍蒙我生全  
謙 喪寵益尤政傾家覆我宗失國秦滅周室  
豫 冬無藏冰春江不通陰流為賊國被其殃  
隨 田鼠野雞意當欲逃拘制籠檻不得動搖  
蠱 佩玉藻兮無所繫之旨酒一盛莫與笑語孤  
寡獨特常愁憂苦

臨 沒遊源口求鮫為室家危自懼復出生道  
觀 河水孔穴壤敗我室水深無岸魚鼈傾到

噬嗑 教羊牧兔使魚捕鼠任非其人費日無功  
賁 升戶入室就温煖食冰凍北陸寒不得賊  
剝 孤竹之墟失婦亡夫傷於蒺藜不見少妻東

郭堂姜武氏破亡 乾之  
夬

復 凶禍災殃日益彰福不可釐三郤夷傷  
无妄 載璧秉珪請命于河周公尅敏冲人瘳愈  
大畜 鳥飛鵲舉照臨東海龙降庭堅為陶叔後  
圭析英雄履福綏厚 謙之  
頤同

頤 危坐至暮請求不得膏澤不降政戾民惑

大過 宜昌娶婦東家歌舞宴樂有緒長安嘉喜  
坎 鑿井求玉非卞氏寶名困身辱勞無所得蒙之

臨

離 鵠息其雄欲隨鳳東順理羽翼出次日中須  
留比邑復反其室

咸 早霜晚雪傷害禾麥損功棄力飢無所食比之

遯

恒 蝠螺生子深日黑醜雖飾相就衆人莫取  
遯 去如飛鴻避凶直東遂得全脫與福相逢

大壯 婚姻合配同枕共牢以降休嘉子孫封侯

晉 咸陽辰已長安戌亥丘陵生止非魚鱗市不

可避阻終無悔咎

明夷 螟虫爲賊害我五穀簞笥空虛家無所食

坤之革

家人 蒙恩拜德東歸吾國慷慨宴笑歡樂有福

睽 齋貝贖狸不聽我辭係於虎鬚牽不得來否之

革同人

蹇 比目附翼歡樂相得行止集同終不離忒

解 一指食肉口無所得染其鼎鼐舌饒於腹

損 曳綸汀洲釣挂魴鯉公孫得利以享仲友

益 商紂牧野顛敗所在賦斂重敷黎元愁苦

夫 北辰紫宮衣冠立中含和達德常受天福坤之

觀履之需

姤 輕戰尚勇不知兵權為敵所制征師北奔

萃 大口宣舌神使伸言黃龍景星出應得門興

福上堂天下安昌大有之蠱

升 凶子禍孫把劍向門凶訟觀囂驚駭我家一作

爭訟

困 祝伯善言能事鬼神辭祈萬歲使君延年

井 珪璧琮璋執贄見王百里寧戚應聘齊秦否之

訟

革 昧旦乘車履危陷溝亡失裙襦摧折兩軸

鼎 膠著未通不出牛欄斯饗羔羊家室相安

震 卷舌遁世仁德不舍三聖攸同周家茂興

艮 黍稷禾稼垂秀方造中旱不雨傷風枯槁

漸 冠帶南遊與福喜期邀於嘉徵拜為公卿



歸妹 一巢九子同公共母柔順利貞出入不殆  
福祿所在

豐 韓氏長女嫁於東海多貌美好宜家富壽利  
得十倍

旅 因禍受福喜盈我室先人後已所願必得

巽 晉平有疾迎醫秦國病乃大秘分爲兩豎逃  
匿盲上伏於膏下和不能愈

兌 牡飛門啓患憂大解修福行善不爲身禍人

夫之

渙 追亡逐北呼還稚叔至止而得反其室廬

節 鳥鳴旣端一呼三顛動搖東西危慄不安疾

病無患

中孚 龍化爲虎泰山之陽衆多從者莫敢救藏

小過 焱風忽起車馳竭竭棄名追亡失其和節

憂心愒愒

旣濟 遊居石門祿安身全受福西隣歸飲玉泉

未濟 登高上山見王自言申理我冤得職蒙恩

比之未濟同

訟之第六

訟 文巧信弊將反大質僵死如麻流血漂杵皆知其母不識其父干戈乃止

乾 文王四乳仁愛篤厚子畜十男無有夭折

坤 日入望車不見子家長女無夫左手搔頭

屯 東上泰山見堯自言申理我冤以解憂患

蒙 奎軫湯湯過角宿房宣時布和無所不通

需 引髯牽鬚雖懼無憂王母善禱禍不成災

師 鳧得水沒喜笑自啄毛羽悅澤利以攻玉公

出不復柏氏容宿

比 水流趨下欲至東海求我所有買魴與鯉

小畜 獐鹿逐牧安飽其居反還次舍無乃疾故

屯之比

履 樹耘壹豆不得耘鋤王事靡盬秋無人收

泰 弱水之西有西王母生不知老與天相保行

者危殆利居善喜

否 數窮廓落困於歷室幸登玉堂與堯侑食

同人 子鉏執麟春秋作經元聖將終尼父悲心

大有 尹氏伯奇父子生離無罪被辜長舌所爲  
謙 播木折枝與母別離九臯難和絕不相知  
豫 駘雞無距與鵠格鬪翅折目盲爲鳩所傷復  
歸野廬與母相扶

隨 甲乙丙丁俱歸我庭三丑六子入門見母  
蠱 桑葉螟蠹衣弊如絡女工不成綵布爲玉  
臨 開牢闢門巡狩釋冤夏臺羨里商文悅喜  
觀 欽明之德坐前王食必保嘉善長受安福  
噬嗑 武夫司空多口爭訟金火當戶民不安處

年飢無有

賁 紫闕九重尊嚴在中黃帝堯舜履行至公冠  
帶垂衣天下康寧

剝 負牛上山力行少難烈風雨雪遮遏我前中  
道復還憂者日歡

復 蹇兔缺唇行難齒寒口痛不言爲身生患  
无妄 合體比翼喜耦相得與君同好使我有福  
大畜 憤憤不脫憂從中出喪我寶貝亡妾失位  
頤 兩心不同或從西東明論終日莫適我從

大過 啞啞笑言與喜飲食長樂行觴千秋起舞  
拜受大福

坎 初憂後喜與福為市八佾列陳飲御諸友

之坤

過小

離 西徙無家破其新事王孫失利不如止居

咸 鳳凰在左麒麟處右仁聖相遇伊呂集聚時

無殃咎福為我母

恒 區脫康居慕仁入朝湛露之權三爵畢恩復

歸舊廬

同人  
之離

遯 疾貧望幸使伯行販賈販市井開牢擇羊喜

得天祥

大壯 處高不傷雖危不亡握珠懷玉還歸其鄉

晉 右手棄酒左手收梓行逢禮御餌德玉杯

明夷 養虎牧狼還自賊傷大勇小捷雖危不亡

家人 戴堯扶禹從喬彭祖西遇王母道路夷易

無敢難者

損之離  
師之離

睽 秋冬探巢不得鵲雛銜指北去慙我少姬

蹇 兩羝三羊俱之我鄉畱連多難損其食糧

解 南徙無廬鳥破其巢伐木思切不利動搖  
損 爭訟不已更相牽擊張季弱口被髮北走  
益 延頸望酒不入我口初喜後否利得無有之履

萃

夬 被髮傾走寇逐我後亡失刀兵身全不傷  
姤 麟鳳所遊安樂無憂

萃 寒衣涉河水深請罷賴幸舟子濟脫無他

升 憤憤不脫憂從中出喪我金罍無妄失位

困 解跳不遠心與言反尼父妄行苞藹未華

井 大壯肥特惠我諸舅內外和睦不憂飢渴

革 黃帝建元文德在手祿若陽春封為魯君

鼎 虎聚磨牙以待豚猪往必傷亡宜待止居一作

虎厲其牙以待犬猪往必傷殘懼敗無餘利以止居

震 天地配享立位光明陰陽順序以成厥功天

下和平蒙之小畜

艮 猿墮高木不踈手足保我金玉還歸其室蒙之履

漸 營室紫宮堅不可攻明神達德君受大福

歸妹 孤翁寡婦獨宿悲苦目張耳鳴無與笑語

歸妹之履

豐 低頭竊視有所畏避行者不至酒酸魚敗衆

莫貪嗜

旅 載金販狗利棄我走藏匿淵底悔折為咎

巽 行觸大諱與司命忤執囚束繫鉗制於吏憂

人有喜剝卦同

兌 執玉歡喜佩之解孿危詳及安使我無患

渙 機杼騰擾女功不成長女許嫁衣無襦襜聞

禍不成凶惡消去

節 金人鐵鉅火燒左右雖懼不恐獨得全處

中孚 謝恩拜德東歸吳國舞蹈歡躍恣樂受福

小過 青牛白咽呼我俱田歷山之下可以多耕

歲樂時節民人安業

既濟 白雉羣雛慕德貢朝湛露之恩使我得懼

未濟 避患東西反入禍門糟糠不足憂思我心

師之第七

師 鳥鳴呼子哺以酒脯高樓之處子來歸母嗇

人成功年歲大有如婦無子

乾 一簧兩舌佞言諂語三姦成虎曾母投杼

坤 春桃生花季女宜家受福且多在師中吉男

為邦君

屯 殊類異路心不相慕牝牛牡豨獨無室家

蒙 折葉蔽目不見稚叔三足孤鳥達其元夫

需 雀東求粒誤入罔域賴逢君子脫復歸息

訟 五孫季子相與孝友明允篤誠升擢薦舉為

國藩輔

比 削木無枝與子分離飢寒莫食獨立哀悲

小畜 舜升大禹石夷之野徵詣王闕拜治水土

履 義不勝情以欲自營見利危寵滅君令名

泰 三人北行六位光明道逢淑女與我驥子

否 羿張烏號彀射天狼柱國雄勇鬪死榮陽

同人 季姬踟躕結衿待時終日至暮百兩不來

大有 鴻雁翩翩始若勞苦災疫病民鰥寡愁憂

謙 穿胸狗邦僵離旁春天地易紀日月更始

豫 北山有棗使叔壽考東嶺多栗宜行賈市陸

梁雌雉所至利喜

隨于旄旌旗執幟在郊雖有寶珠無路致之

蠱精潔淵塞為讒所言證訊詰請繫於枳溫甘

棠聽斷怡然蒙恩

臨玄黃虺隤行者勞罷役夫憔悴踰時不歸

觀膚敏之德發憤忘食虜豹禽越為王求福以

成主德

禽一作擒

噬嗑采唐沫鄉要我桑中失信不會憂患約帶

賁伯寧子福惠我邦國蠲除苛殘使季無患

剝讒父佞雄賊亂邦國生離忠孝敗困不福

復淵泉隄防水道通利順注湖海邦國富有

无妄江旁多蝮螫我手足冤繁詰屈痛徹心腹

大畜三人俱行別離獨宿一身五心反覆迷惑

亂無所得

頤鶯鳴庭中以戒災凶重門擊柝備不速客

大過功成事就拱手安居立德有言坐飭貢賦

坎國亂不安兵革為患掠我妻子家中飢寒

離戴堯扶禹從喬彭祖西遇王母道路夷易無



敢難者

咸 長尾委蛇畫地成河深不可涉絕無以北惆

然噴息

恒 乘龍從蜺徵詣北闕乃見宣室拜守東域鎮

慰黎元舉家蒙福

遯 土與山連終身無患天地高明萬歲長安

大壯 久旱水涸枯槁無澤虛修其德未有所獲

晉 依山倚地凶危不至上清下降君受其利

明夷 火烈不去必殪僵仆燔我衣裾禍不可悔

家人 配合相迎利之四卿欣喜與釋所言得當

睽 清人高子久屯外野道遙不歸息我慈母

蹇 武庫軍府甲兵所聚非里邑居不可舍止

解 王德五材和合四時陰陽順序國無咎災

損 解衣毛羽飛入大都晨門戒守鄭忽失家

益 削根燒株不生肌膚病在心腹日以焦枯

夬 文山紫芝雍梁朱草生長和氣福祿來處

姤 多載重負捐棄于野小任其大但自勞苦

萃 鳧雁啞啞以水爲家雌雄相和心志娛樂得

其歡欲大有之歸妹

升 耳目盲聾所言不通佇立以泣事無成功

困 天宮列宿五神所舍宮闕堅固君安其居

井 范子妙材戮辱傷膚然後相國封為應侯

革 秋冬探巢不得鵲雛銜指北去慙我少夫

鼎 子畏於匡厄困陳蔡德行不危竟脫厄害

震 鴻飛在陸公出不復仲氏任只伯氏客宿

艮 鶴鳴九臯避世隱居抱朴守貞竟不相隨

漸 舜升大禹石夷之野徵詣王闕拜治水土乾之

中孚師之小畜

歸妹 左輔右弼金玉滿匱常盈不亡富如駁倉

與蒙之坤下四句同

豐 崔嵬北岳天神貴客衣冠不已蒙被恩德

旅 空槽住猪豨彘不到張弓祝雞雄鳩飛去

巽 胡蠻戎狄太陰所積涸冰凍寒君子不存

兌 甘露醴泉太平機關仁德感應歲樂民安屯之

謙

渙 惡來呼伯煩驚外客中守閑宅以備凶黠臨

折之憂雖滅無災

節 日月相望光明盛昌三聖茂功仁德大隆

蒙之

謙否之賁

中孚 葛藟蒙棘花不得實讒佞亂政使恩壅塞

小過 隣不我顧面望玉女身多癩疾誰肯婦者

既濟 精誠所在神爲之輔德教尚中彌世長久

三聖與爲多受福祉

未濟 鑽木取火掘地索泉主母飢渴子爲心福

比之第八

比 鹿得美草嗚呼其友九族和睦不憂飢乏

同人

之蹇益之恒

乾 宗追用成康光照萬國享世久長

坤 麟子鳳雛生長嘉國和氣所居康樂無憂邦

多哲人

屯 灼灼泉源釣鯉山巔魚不可得火不肯燃

小畜

之屯

蒙 彭生爲豕白虎行菑盜堯衣裳桀跖荷兵青

禽照夜三日夷傷

需 黍稷醇醴敬奉山宗神嗜飲食甘雨嘉降黎  
庶蕃殖獨蒙福祉時災不至

訟 李花再實鴻卵降集仁哲權輿蔭國受福小畜

之離豫  
之小過

師 千歲之墟大兵所屠不見于都城空無家

小畜 公子王孫把鋏攝丸發輒有得室家饒足

履 驪姬讒嬉與二嬖謀譖殺公子賊害忠孝申

生以縊重耳奔走

泰 長生無極子孫千億柏柱載梁堅固不傾

否 失意懷憂如幽狴牢亡子喪夫拊托寄居

同人 仁智隱伏麟不可得龍蛇潛藏虛居堂室

大有 列潔堞堞締結難解嫫母銜嫁媒不得坐

自為身禍

謙 鳥飛墜木不毀頭足保我羽翼復歸其室

豫 陳媯敬仲兆興齊姜乃適營丘八世大昌姤

師屯之  
噬嗑

隨 過時不歸雌雄苦悲徘徊外國與母分離

蠱 齊魯爭言戰於龍門構怨連禍三世不寧坤

離同人之  
睽謙之咸

臨 府藏之富王以賑貸捕魚河海笱網多得損

睽同人  
之益

觀 鳴鶴北飛下就稻池鱸鱠鯉衆多饒有一

苟獲兩利得過倍

噬嗑 蒼梧鬱林道易利通元龜象齒寶貝南金

為吾歸功

賁 兩火爭明雖鬪不傷分離且忍全我弟兄

剝 伯夷叔齊貞廉之師以德防患憂禍不存泰

乾

復 季去我東髮櫛如蓬展轉空牀內懷憂傷一本

作賁  
辭

无妄 百足俱行相輔為強三聖翼事王室寵光

大畜 壅遏隄防水不得行火盛陽光陰蜺伏藏

退還其鄉

頤 騰蛇乘龍歲飢蓬蓬年歲飢凶民食草蓬

大過 鉛刀攻玉堅不可得盡我筋力眠繭為疾

坤之  
豫

坎 恒山浦泛高邑具在陰氣不淋洪水弗處牢  
人開戶

離 比目四翼來安我國福善上堂與我同牀損之

隨同人  
之兌

咸 杜口結舌心中怫鬱去苗生患莫所告冤否之

井

恒 牽尾不前逆理失臣惠朔以奔

遯 早霜晚雪傷害禾麥損功棄力飢無所食需之

咸

大壯 適戍失期患生無聊懼以發憂開藏閉塞

邦國窮愁

晉 昊天白日照臨我國萬民康樂咸賴嘉福

明夷 元吉无咎安寧不殆

家人 懿恭淺愚不深受諫無援失國為狄所賊

睽 城上有身自號破家呼喚鳩毒為國患災

蹇 長股喜走趨步千里王良嘉喜伯樂在道申

生見母下有由子

解 耕石山巔費種家貧無聊虛作苗髮不生

損 二人異路東趨西步千里之行不相知處  
益 純服素裳載主以興德義茂生天下歸仁  
夫 玉銳鐵頭倉庫空虛賈市為盈與利為仇  
姤 登崑崙入天門過糟丘宿玉泉開惠觀見仁

君

萃 團團白日為月所食損上毀下鄭昭出走

升 倉盈庾億宜稼黍稷年豐歲熟國家富有乾

師坤  
之恒

困 虎狼結謀相聚為保思嚼牛羊道絕不通傷

我商人

井 中年摧折常恐不活老賴福慶光榮相輔

革 同載共車中道分去喪我元夫獨與孤苦隨

比

鼎 飲酒醉酗距跳爭鬪伯傷叔僵東家治喪

震 出值凶災逢五赤頭跳言無佑扶杖伏聽不

敢動搖

艮 狼虎爭強禮義不行兼吞其國齊魯無王小畜

之隨

漸 南國少子才略美好求我長女賤薄不與反

得醜惡後乃大悔

震泰之

歸妹 一身兩頭莫通其軀無見我心亂不可治

豐 李耳橐鵲更逢恐惜擾余以腹不能舉格

旅 柏桂棟梁相輔為強入敷五教王室康寧

巽 雀行求食暮歸呼乳反其屋室安寧如故

兌 四尾六頭為凶作妖陰不奉陽上失其明

渙 一旅三關結緝不便岐道異路日暮不到

節 牙蘂生齒室堂啓戶幽人利貞鼓翼起舞

中孚 春鴻飛東以馬貨金利得十倍重載歸鄉

小過 歡悅以喜子孫俱在守強能忍不見殃咎

既濟 精神消落形骸醜惡齟齬頓挫枯槁腐蠹

未濟 登高上山見王自言申理我寃得職蒙恩

小畜第九

小畜 白鳥銜餌嗚呼其子施披張翅來從其母

伯仲季叔元賀舉手

乾 東遇虎蛇牛馬奔驚道絕不通商困無功

坤 子鉏獲麟庶士開元豪雄爭名都邑倍遊



屯 灼火泉源釣魚山顛魚不可得火不肯燃之比

屯

蒙 機關不便不得出言精誠不通為人所冤

需 故室舊廬稍蔽紱組不如新巢可治樂居

訟 蛟蛇循流東冰大魚預且舉網庖人歌謳

師 鑿山通道南至嘉國周公所祝襄適荆楚

比 鵲足却縮不見頭目日久困急不能自復

履 五舌啄難各自有言異國殊俗使心迷惑所

求不得

泰 天門開闢牢戶寥廓桎梏解脫拘困縱釋

否 堅冰黃鳥啼哀悲愁數驚鷲鷺飄為我憂

同人 日走月步趣不同舍夫妻反目主君失居

大有 金牙鐵齒西王母子無有禍殃候舍涉道

別來不久

謙 式微式微憂禍相絆隔以岩山室家分散

豫 衆神集聚相與譏語南國虐亂百姓勞苦興

師征伐別立賢主

隨 虎狼爭食禮讓不能兼吞其國齊晉無主

蠱 寄生無根如過浮雲本立不固斯須落去更  
為枯樹

臨 子啼索哺母行取食反見空巢紫弋長息

觀 駕駟逐狐輪挂荆棘車不結轍公子無得

噬嗑 方喙廣口仁智聖厚釋解倒懸唐國太安

賁 駕福乘喜東至嘉國戴慶南行移居安宅

剝 孔鯉伯魚北至高奴木馬金車駕遊大都王

母送我來牝特駒

復 三足無頭不知所之心狂精傷莫使為明不

見日光

無妄 駉牝龍身日越三千南上蒼梧與福為婚

道理夷易安全無忌

大畜 辰次降婁王駕巡狩廣佑施惠國安無憂

望季不來

頤 望車不到王子逐走馬騎銜傷失迹不得曷

其有常

大過 中原有菽以待饗食飲御諸友所求大得

坎 亂茅縮酒靈巫拜禱神怒不許瘁盡愁苦

離 李花再實鴻卵降集仁哲以興蔭國受福之比

訟豫之  
小過

咸 原出陵足行於山趾不為暴害民得安居

恒 客入其門奔走東西童女不織士棄耕畝暴

骨千里歲飢民苦

遯 天之所予福祿常在不憂危殆

大壯 蝗食我稻驅不可去實穗無有但見空槁

晉 牛騎同堂郭氏以亡國破空虛君奔走逃

明夷 狗無前足陰謀其比為身賊害何以安息

家人 兩輪自轉南上大阪四馬共轅無有重難

與禹笑言

睽 牙蘖生達陽昌於外左手執籥公言錫爵

蹇 秋花冬萼數被嚴霜甲兵當庭萬物不生雄

火夜明民擾大驚

解 霜降閉戶蟄虫隱處不見日月與死為伍之坤

需

損 身載百里功加四海為文開基武立天柱

益 禹作神鼎伯益銜指斧斤高閣幢立獨坐賣

賈不售讐困為害

夫 福祚之聚喜至憂除如魚逢水長樂受庇

妬 蒼龍隱伏麟鳳遠匿寇賊同處未得安息

萃 白鶴銜珠夜食待明懷胡德音身受光榮

升 朝生夕死名曰嬰鬼不可得祀

困 行役未已新事復起姬姜勞苦不得安息

井 憂患解除喜至慶來坐立權忻與樂為隣蒙之

咸

革 晨風天翰火舉就溫昧過我邑羿無所得

鼎 下田種黍芳花當齒大雨淋集紛榮滿壅淋集

一作林集

震 鳥庇茂林君子碌碌心樂願得見者有穀

艮 折臂踈足不能進酒祠祀濶曠神怒不喜

漸 學靈三年仁聖且神明見善祥吉喜福慶鳴

鳩飛來告我無憂一作鹿鳴鴻飛鳴見善祥

歸妹 三婦同夫志不相思心懷不平至常愁悲

豐 中田高黍以享王母受福千億所求大得

旅 陽火不憂二耕喜至慶來降福為我鼓瑟歌

謠送喜

兌 陽明不息君無恩德伯氏失利民喪其力

巽 燕雀銜茅以生孚乳兄弟六人交好孝悌各

得其願和悅相樂

隨之萃

渙 鶉尾奔奔火中戍軍號叔出奔下失其君

節 兩人相距止不同舍夫妻離散衛侯失居

中孚 魖為菑虐風吹雲却欲止不得反歸其宅

小過 關雎淑女配我君子少姜在門君子嘉喜

既濟 慈母赤子饗賜得土夷狄服降以安王室

未濟 三足狐鳴靈鳴督郵息過罰惡自賊其家

履之第十

履 十鳥俱飛羿射九雌雄得獨全雖驚不危

乾 東向蕃垣相與笑言子般執鞭樂人作歡

坤 循河榜舟旁淮東遊漁父舉網先得大魚

屯 轅折輪破馬倚僕臥後旅失宿右足跌踈

蒙 兩人相伴相與僕戾心乖不同訟爭凶凶

需 北辰紫宮衣冠在中含和建德常受天福

需之

夫坤之觀

訟 遊居石門祿祉安全受福西隣歸飲玉泉

需之

既濟

師 羊腸九縈相推併前止須王孫乃能上天

比 爭訟相倍和氣不處陰陽俱否穀風母子

小畜 郭叔距頤為棘所拘童顏重頰禍不成殃

復歸其鄉

泰 薑室蜂戶螫我手足不得進止為吾害咎

屯之

明夷

否 怒非其願因物有遷貪如腐鼠而呼鶚鳶自

合失餌到拔困患

同人 嬰孩求乳母歸其子黃麀悅喜

大有 鍼縷徒勞錦繡不成鷹逐雉兔爪折不得

謙 兩潦集降河渠不通齊魯閉塞破費市空

豫 封豕溝瀆水潦空谷客止宿舍紀塗至腹處

無黍稷

隨 三姦相擾桀跖為友上下騷離隔絕天道

蠱 齊景惑疑為孺子手嫡庶不明賊藥為患

臨 三羊俱亡奔走南行會暮失跡不知其藏

觀 請伯行賈岱山之野犯歷險阻不逢危殆利  
如澆酒

噬嗑 桑方將落殞其黃葉失勢傾側而無所立  
賁 上山求魚入水捕兔市非其歸自令久留

剝 名成德就項領不試景公耄老尼父逝去  
屯

復 天之奧隅堯舜所居可以存身保我邦國

无妄 涉伯殉名棄禮誅身成子奔燕  
一作頤

大畜 兩人俱爭莫能有定心垂不同訟言起凶

頤 睢鳩淑女聖賢配耦宜家受福吉善長久  
一作

之无妄

大過 踰河求橘并得大栗烹羊食炙飯酒歌笑

坎 山險難行礪中多石車馳頻擊重載折軸擔

負差躓跌踣右足  
乾之謙

離 允利孔福神所子畜般樂無苦得其歡欲

咸 鳥鵲食谷張口受哺蒙被恩福長大成就柔

順利貞君臣合德

恒 潼滃蔚蒼膚寸來會津液下降流潦滂沛

遯 路多枳棘步刺我足不利旅客為心作毒損卦

同

大壯 虺蛇求聚難以居處毒螫痛甚瘡不可愈

晉 麟鳳相隨察觀安危東國聖人后稷周公君

子攸同利以居止長無災凶

明夷 桀亂不時使民恨憂六社為笑君危臣羞

家人 黃帝所生伏羲之宇兵刃不至利以居止

屯之萃

睽 雀行求粒暮歸喔嚙反其室舍安寧如故比之

巽

蹇 大倉積穀天下饒食陰陽調和年歲時熟

解 干旄旗旌執幟在郊雖有寶珠無路致之師之

隨豫之中孚

損 履危路顛墜入泉淵蹇不能前足踈不便

益 銜命上車和合兩家蛾眉皓齒二國不殆

夬 吉日車攻田弋獲禽宣王飲酒以告家功

姤 金帛貴寶宜與我市嫁娶有恩得利過倍

萃 延頸望酒不入我口深以自喜利得無有訟之



益

升 牧為代守饗養甘賜得利士意戰大破胡長  
安國家

困 日出溫谷照臨萬國高明淑人虞夏配合  
井 逐兔索鳥破我弓車日暮不及失利後時  
革 譌言妄語傳相誑誤道左失迹不知戶處  
鼎 履虎躡尾貶損我威君子失否去其國家  
震 本根不固新花落去更為孤嫗不得相視  
艮 五輓四國優得饒有陳力就列騶虞悅喜

漸 黃帝紫雲聖哲且神光明見祥告我无殃  
歸妹 五利四福俱田高邑黍稷盛茂多獲藁稻  
豐 羣虎入邑求索肉食大人衛守君不失國  
旅 鳥子鵲雛常與母居願慕羣旅不育其巢  
巽 蹇驢不材駿驥失時筋勞力盡疲於沙丘  
兌 玄鬣黑顙東歸高鄉朱鳥導引靈龜載莊遂  
抵天門見我貞君人馬安全

渙 探巢得雛鳩鵲俱來使我欣娛  
節 安上宜官一日九遷升擢超等牧養常山



中孚 大頭明目載受嘉福三雀飛來與祿相得

小過 遠視千里不見黑子離婁明視移於小人

一作離婁之  
明無益為光

既濟 三女成姦背夫夜行與菊笑言不忍王母

為失醴酒冤天誰告

未濟 日辰不良強弱相振一鳥兩雛客勝主人

泰之第十一

泰 有求陳國畱連東域須我王孫四月來復主

君有德蒙恩受福

乾 伯夷叔齊貞廉之師以德防患憂禍不存之比

剝

坤 濟深難渡濡我衣袴五子善擢脫無他故之一他

衣作

屯 倚立相望適我道通驅駕奔馳比目同牀

蒙 葛藟蒙棘華不得實讒佞為政使恩壅塞之師

中孚

需 四牡兼用君子所服南征述職與福同德

訟 蹀踵足傷大指病癱失旅後時利走不來之蒙

旅

師 春城夏國長生之域可以服食保全家國

比 望驥不來拘蹇為憂雨驚我心風憾我肌

小畜 久客無牀思歸我鄉雷雨浸盈道不得通

履 方船備水傍河燃火積善有徵終身無禍天

福吉昌永得安康

大有之謙

否 陟岵望母役事不已王政靡盬不得相保

同人 多載負重捐棄于野王母離子思勞自苦

師之姤

大有 生值地乳上皇大喜賜我福祉壽算無極

賓于作命

謙 翁翁鞫鞫隕墜山顛滅我令名長沒不存

離

否之

豫 東隣嫁女為王妃后莊公築館以尊王母歸

于京師季姜喜悅

屯之觀

隨 伯虎仲熊德義淵閎使布五教陰陽順序

坤之

姤益之屯

蠱 敏教勁疾如猿升木彤弓雖調終不能獲

臨 舉袂覆目不見日月衣裘簞席就長夜室之坤

隨

觀 忍醜少羞無面有頭耗滅寡虛日以削酒

噬嗑 固陰沍寒常冰不温令人墮怠庖火為災

電火為蕃

賁 夏麥麩翹霜擊其芒疾君敗國使我天傷

剝 淵涸龍憂箕子為奴于叔隕命殷破其家

復 跛躄相隨日暮牛罷陵遲後旅失利亡雌

无妄 桑方將落隕其黃葉失勢傾倒如無所立

大畜 長生以時長柱根本陰陽相和歲樂無憂

頤 童女無室未有配合陰陽不和空坐獨宿

大過 春令原宥仁德不周三聖攸同周國茂興

坎 金精躍怒帶劔過午兩虎相妒雖驚不咎

離 危坐至暮謀求不得膏澤不降政戾民忒

咸 老楊日衰條多枯枝爵級不進日下摧頽之蒙

訟

恒 蔡侯適楚留連江湖踰日歷月息其后君

遯 右撫劔佩左援鈎帶凶訟不止相與爭戾失

利市肆

大壯 水流趨下遠至東海求我所有買鮪得鯉

訟之比

晉 登几上輿駕駟南遊合縱散衡燕秦治強

明夷 求兔得獐過其所望歡以相迎高位夷傷

以一作其

家人 過時不歸道遠且迷旅人心悲使我徘徊

睽 魂孤無室御宿舍食盜張民潰見敵失內

蹇 居如轉丸危不得安東西不寧動生憂患

解 坤厚地載庶物蕃息平康正直以綏百福

損 冽敝牡荆生賢止侮仇敵背憎孰肯相迎上

下有青

益 鳳凰銜書玄珪賜我封為晉侯

夬 作凶不善相牽入井溺陷辜罪禍生憂滋

姤 悲鳴北行失其長兄伯仲不幸骸骨敗亡

萃 羔衣豹裘高易我宇君子維新

升 日中為市各抱所有交易貨賈含味懷寶心

悅歡喜

困 振急絕理恒陽不雨物病焦乾華實無有  
 井 狐貉載剝凌温翠葍寒棘為疾何所不足  
 革 履踐危難脫執去患入福喜門見誨大君  
 鼎 四亂不安東西為患退止我足無出國城乃  
 得全完賴其生福

震 南國少子才略美好求我長女賤薄不與反

得醜惡後乃大悔

北之漸

艮 妄怒失理陽孤無輔物病焦枯年飢於黍  
 漸 倬然遠咎辟害阜阜田獲三狐巨貝為寶

歸妹 逐鹿山顛利去我西雖祁南北無所不得

豐 龍蛇所聚大水樂處滑滑沛沛使我無賴

旅 從風吹火牽騏驎尾易為之功因摧受福

巽 澤狗木鳧難畜少雛不為家饒心其亟逋

兌 水壞我里東流為海龜鳧驩囂不見慈母

渙 褰衣涉水深漬請罷賴幸舟者濟脫無他

節 龜戢河海陸行不止自令枯槁失其都市憂

害无咎

中孚 同本異葉樂仁正德東隣慕義來興我國

小過 桃李花實纍纍日息長大成熟甘美可食  
為我利福

既濟 重瞳四乳聰明順理無隱不形微視千里  
災害不作君子集聚

未濟 實沈參墟以義討尤次止結盟以成霸功  
否之第十二

否 秦為狼虎與晉爭強并吞其國號曰始皇  
乾 江河淮濟天之與府眾利所聚可以饒有樂

我君子 謙之 豫

坤 天之所災凶不可居轉徙獲福留止憂危

屯 名成德就項領不試景公耄老尼父逝去 履

蒙 持善避惡福祿常存雖有豺虎不能危患

需 避患東西反入禍門糟糠不足憂動我心 訟

未濟

訟 珪璧琮璋執贄見王百里甯戚應聘齊秦 需

井

師 揚水潛鑿使石潔白衣素表朱戲遊臯沃得

君所願心志娛樂

比 官爵相保居之无咎求免不得使伯恨悔

小畜 載車無禪裸裎出門小兒作笑君子憂患

復 把珠入口為我利寶得吾所有欣善嘉喜

泰 行不如止直不可曲進不如退可以安吉

同人 衆鬼瓦聚中有大怪九身無頭魂驚魄去

不可以居

大有 家給人足頌聲並作四夷賓服干戈橐閣

謙 人面鬼口長舌如斧斲破瑚璉殷商絕祀

豫 南山之峻真人所在德配唐虞天命為子保

佑飲享身受大慶

隨 春桃生花季女宜家受福多年男為邦君師

坤

蠱 鳴鴉破斧冲人危殆賴其忠德轉禍為福傾

危復立

臨 猿墮高木不蹠手足保我金玉還歸其室訟

艮益之豫  
蒙之隨

觀 天之與隅堯舜所居可以存身保我邦家履



復

噬嗑 伯蹇叔育足痛難行終日至暮不離其鄉

賁 日月相望光明盛昌三聖成功仁德大隆師

節蒙之謙

剝 桃李花實纍纍日息長大成就甘美可食為

我利福泰之小過

復 入和出明動作有光運轉休息所為允康

无妄 陰衰老極陽見其德履離載光天下昭明

功業不長蝦蟆大王大有之臨坤之未濟

大畜 行役未已新事復起姬姜勞苦不得休止

頤 狐鳴室北飢無所食困於空丘莫與同力

大過 雄聖伏名人匿麟遠走鳳飛北擾亂未息

坎 疾貧望幸使伯行販開牢擇羊多得大牂訟

遯

離 翁鞬鞬隕墜顛崩滅其令名長沒不存泰

謙噬嗑之坎

咸 華薄實藁衣弊如絡女巧不成絲布為玉

恒 温山松柏常茂不落鸞鳳所庇得其歡樂需

坤

遯 失持母教嘉偶出走攫如失老如喪家狗

大壯 太乙駕騶從天上來微我季叔封為魯侯

屯之隨  
需之比

晉 雙鳧俱飛欲歸稻池徑涉藿澤為矢所射傷

我胸臆 屯之  
旅

明夷 深坎復平天下安寧意娛心樂賴福長生

家人 俱為天民雲過吾西風伯疾雨與我無恩

睽 野鳥山鵲來集六博三梟四散主人勝客

蹇 北陰司寒堅冰不溫凌人情怠大雹為災

解 伊伯致仕去桀耕野執順以待反和无咎

損 秋風牽手相提笑語伯歌季舞燕樂以喜

益 徙巢去家南過白馬東西受福與母相得

夬 鳥飛跌跛兩兩相和不病四肢但去莫疑

姤 三牛生狗以成為母荆夷上侵姬伯出走 坤之

震需  
之訟

萃 破筐敝莒弃捐于道壞落穿敗不復所寶

升 結紉得解憂不為禍食利僊家受福安坐

困 白日揚光雷車避藏雲雨不行各自還鄉

之否

巽比  
之咸

井 杜口結舌心中佛鬱去災生患無所告冤

之需

睽同人  
之否

鼎 如鶴抱子見蛇何咎室家俱在不失其所

震 逐兔山西利走入門賴我仁德獲為我福

艮 興役不休與民爭時牛生五趾行危為憂

漸 春粟夏梨少鮮希有斗千石萬貴不可求

歸妹 悲號北行失其長兄伯仲不幸骸骨敗亡

豐 賦歛重數政為民賊杼軸空盡家去其室

旅 履服自敝殃咎並到憂不能笑

兌 免冠進賢步出朝門儀體不正賊孽為患

巽 杜口結舌言為禍母代伯受患無所禱免

井比  
之咸

渙 娶於姜女駕迎新婦少妻在門之子悅喜

節 牧羊稻園聞虎喧謹畏恐悚息終無禍患

復

中孚 老妾踞機緯絕不知女功不成冬無寒衣  
小過 黑龍吐光使陰復陽熊獵載聖六師以昌  
既濟 東隣嫁女為王妃后莊公築館以尊王母  
歸於京師姜姬悅喜 屯之觀 泰之豫

未濟 灌頡同徒道頓跌跨日辰不良病為身禍  
同人之第十三

同人 橐冥山顛銷鋒鑄刃示不復用天下大歡  
乾 一臂六手不使堵口莫肯為用利棄我走  
坤 獐鹿逐木飽歸其居安息無悔

屯 鴻魚逆流至人潛處蓬蒿代柱天屋顛倒 自此  
至否一本並異見後考異

蒙 三殺五牂相隨俱行迷人空澤經涉六駿為  
賊所傷 賊作殘

需 黃帝出遊駕龍乘馬乘上泰山南過齊魯邦  
國咸喜

訟 履危不安心欲東西步走逐鹿空無所得  
師 望尚阿衡大半用公藩屏湯武立為侯王  
比 白龍黑虎起伏俱怒戰於阪兆蚩尤走敗死



於魯首

蒙之坎益  
之比同

小畜 載石上山步跌不前顯眉之憂不得所歡

履 周德既成行軸不傾中西跌墓耄老衰去箴

石不祐

泰 乘雲帶雨與飛鳥俱舉動千里見我慈母

舉動

一云  
動止

否 齋具贖狸不聽我辭繫於虎鬚牽不得來

大有 三翼飛來字我逢時俱行先至多得大利

謙 兩足四翼飛入我國寧我伯姊與母相得

豫 案民湖池王孟天授魚如白雲一國獲鯉

隨 季姬踟躕望還城隅終日至暮不見齊侯居

室無憂

蠱 龍隅求泉置雲影從河伯捧觴跪進酒漿流

潦滂滂

臨 出門逢患與怒為怨更相擊刺傷我手端

觀 播衣樂天乾坤所命安樂无咎

樂一作舞乾  
坤作亂神

噬嗑 兩金相擊勇武敢敵終日大戰不破不缺

賁 大車難駕兩勒如繩馬奔山後輪脫不行中

道遇害

剝 文山紫芝雍梁朱草長生和氣與以為寶公

尸侑食神福來處

師之

復 把珠入口為我畜寶得吾所有欣然嘉喜

无妄 負車上山力盡行難烈風雨雪遮過我前

中道復還憂者得歡

大畜 陶朱白圭善賈息資三致千金德施上仁

頤 子鉏執麟春秋作陰元聖將終尼父悲心

大過 春日載陽福履齊長四時不忒與樂為昌

坎 孔懷如玉出於幽谷飛上喬木鼓其羽翼耀

光照目

坤之比

離 區脫康居慕仁入朝湛露之歡三爵畢恩復

歸穹廬以安其居

訟之恒

咸 秋冬夜行照覽星辰道理利通終身無患

恒 如鵠抱子見蛇何咎室家俱在不失其所

遯 安如泰山福壽屢臻雖有豺虎不能危身

大壯 耆蒙睡眠不知東西歲君失理命直為曲

王稱為寶

晉 戴璧乘珪請命于河周公克敏冲人瘳瘳

明夷 大王執政歲熟民富國家豐有王者有喜

家人 訟爭相背和氣不處陰陽俱否穀風母子

睽 齊魯爭言戰於龍門構怨結禍三世不安之比

蠱坤  
之離

蹇 鹿得美草嗚呼其友九族和睦不離邦域

解 百里難行雖微復明去虞適秦為穆國卿

損 梅李冬實國多寇賊亂擾並作王不能制之屯

師

益 府藏之富王以賑貸捕魚河海笱網多得巨

蛇大鱗戰於國郊君遂走逃比之臨  
損之睽

夬 牡飛門啓憂患大解不為身禍需之  
兌

姤 宜昌娶婦東家歌舞長樂歡喜

萃 正陽之央申氏以亡禍及畱吁烟滅為墟

升 鳧過稻廬甘樂麴鮓雖驅不走田畯懷憂

困 跛踣俱行日暮車傷失旅乏糧

井 龍門小冗流行不害民安其土君臣相保

革 山陵西塞遏我徑路欲全不得俱還故處

鼎 兩虎爭鬪血流浮杵城廓空虛蒿藜塞道  
 艮 龍生無常或托空桑憑乘風雲為堯立功  
 震 依東墻隅志下心勞楚亭晨食韓子低頭  
 漸 魁行搖尾逐雲吹火汗泥為陸下田為稷  
 歸妹 跛踦相隨日暮牛罷陵遲後旅失利亡雌  
 豐 三人俱行北求大牂長子病足請季負囊柳  
 下之責不失驪黃  
 旅 鳳凰在左麒麟在右仁聖相遇伊呂集聚傷  
 害不至時無殃咎福為我母訟之

巽 乘筏渡河雖深不殆曾孫皇祖累累俱在受  
 其大福

兌 比目四翼來安吾國齋福上堂與我同牀比

渙 離損之隨  
 渙 娶於姜女駕迎新婦少妻在門夫子悅喜否

節 螟虫為賊害我稼穡冬禾殫麥秋無所得  
 中孚 衣裳顛倒為王來呼成就東周邦國大休  
 小過 王孫季子相與為友明允篤誠升擢薦舉



既濟 漏泉滑滑流行不絕汗為江海敗毀邑里  
家無所處聞虎不悖向我笑喜

未濟 桑扈竊脂啄粟不宜亂政無常使我孔明

大有之第十四

大有 白虎張牙征伐東華朱鳥前驅贊導悅辭  
敵人請服銜璧而趨

乾 南山大行困於空桑老沙為石牛馬無食

坤 蟠枝失岐與母別離絕不相知

屯 噂噂所言莫如我垣懽樂堅固可以長安乾之

困

蒙 李梅零墜心息積憤懽憂小愧亂我魂氣

需 火雖熾在吾後寇雖多在吾右身安吉不危

殆

訟 虎臥山隅鹿過後胸弓矢復張狷為功曹伏  
不敢起遂至洋野得我美草

師 三火起明雨滅其光高位疾顛驕恣深傷

比 疋居楚鳥遇讒無辜久散離憂散一作旅

小畜 一室十子同心異母以義防患禍災不起

履 商人行旅資無所有貪其利珠雷連王市還  
家內顧公子何咎

泰 禹將為君北入崑崙稍進陽光登入温湯功

德昭明

否 乾行大德覆幬無極嘔呼享熟使各自得

同人 南國茂盛黍稷醲酒可以享老樂我嘉友

謙 方船備水傍河然火終身為禍與夫吉昌永

得安康

豫 雷行相逐無有休息戰於平陸為夷所覆

隨 躑躅踟躕撫心搔頭五晝四夜賭我齊侯

蠱 大口宣唇神使伸言黃龍景星出應德門與

福上堂天下安昌

需之萃

臨 陰衰老極陽建其德離載陽光天下昭明

觀 三塗五岳陽城大室神明所伏獨無兵革下

有保國

需之蒙

噬嗑 年豐歲熟仁政民樂利以居止旅人獲福

賁 楚鳥逢矢不可久放離居無辜作此哀詩以

告孔憂

剝 出門大步與兄惡忤詈公詈母為我憂趾  
復 火之井谷楊芒生角犯歷天市闕觀太極登  
上玉林家易六公

无妄 牧羊逢狼雖憂不傷畏怖惕息終無禍殃

大畜 繭栗犧牲敬事鬼神神者飲食受福多孫

望季不來孔聖厄陳

乾之旅

頤 大澤治妝南販牧牂長伯為我多得牛馬利  
於徙居

大過 枯樹無枝與子分離飢寒莫養獨立哀悲

坎 天地九重堯舜治中正冠衣裳宇宙平康

離 鳧鷖遊涇君子以寧復德不愆福祿來成

咸 裸程逐狐為人所笑牝雞司晨主作亂根

恒 典冊法言藏在蘭臺雖遭禍潰獨不遇災

坤之大畜

遯 三癡且狂欲之平鄉迷惑失道不知昏明

大壯 瘰癧瘍疹為身瘡患疾病癘疴常不危殆

晉 三豕俱走鬪於谷口白豕不勝死於坂下

明夷 賴主之光受德之佑雖造顛沛獨不凶咎

家人 上義崇德以建大福吉宜詰且周武功立  
睽 四亂不安東西為恨身止無功不出國城乃  
得完全賴其生福

蹇 金牙鐵齒西王母子無有患殆涉道大利畜小

之大

解 賀喜從福日利蕃息歡樂有得

損 昊天白日照臨我國萬民康寧咸賴受福

益 左眇右盲視暗不明下民多孽君失其常

夬 吾有黍梁委積道傍有架服箱運到我鄉藏

於嘉倉

姤 殊類異路心不相慕牝豕無猥鰥居室家

萃 雀行求食出門見鷄顛蹶上下幾無所處

升 野有積庾穡人駕取不逢狼虎暮歸其宇

困 膚敏之德發憤忘食虜豹禽越為王求福師之

觀

井 光禮春成陳項雞鳴陽明失道不能自守消

亡為咎

革 左抱金玉右得熊足常盈不亡獲心所欲

鼎 履泥汗足名困身辱兩仇相得身其為虐  
 震 安居重遷不去其屢禾米相聞樂得常產  
 艮 天災所遊凶不可居轉徙獲福畱止憂危  
 漸 昧昧默默不知白日景雲亂擾光明隱伏幽

王失國

歸妹 鳧雁啞啞以水為宅雌雄相和常共娛樂

得其所欲

大畜之鼎

豐 長生無極子孫千億柏柱載梁堅固不傾  
 旅 麒麟鳳凰善政得祥陰陽和調國無災殃

巽 天之奧隅堯舜所居可以存身保我家室

兌 配合相迎利之四鄉昏以為期與福喜笑

渙 砥德礪材果當成周拜受大命封為齊侯

節 與福俱坐畜水備火終無災禍

中孚 晨昏潛處候時煦煦卒逢白日為世榮主

小過 視日再光與天相望長生懽悅與福為兄

既濟 大頭明目再受喜福二雀飛來與祿相觸

未濟 梗生荆山命屬輸班袍衣剝脫夏熱冬寒

立成枯槁眾人莫憐

乾之既濟

謙之第十五

謙 王喬無病狗頭不痛亡跛失履乏我徒從

乾 嗛囁嚙嚙昧冥相持多言少實語無成事

坤 北辰紫宮衣冠立中含和達德常受大福鈴

刀攻玉堅不可得

屯 東壁餘光數暗不明王母嫉妬亂我事業

蒙 下背其上資明其讓子嬰兩頭陳破其墟

需 鳳生會稽稍具能飛翱翔桂林為眾鳥雄

訟 鑿井求玉非和氏寶名困身辱勞無所得一作

卦師

師 拜傑載復送至東萊百僚具舉君王嘉喜一作

卦訟

比 安息康居異國穹廬非吾邦域使伯憂戚

小畜 江河淮海天之都市商人受福國家富有

履 同木異葉樂仁尚德東林慕義來興吾國

泰 白鶴銜珠夜室反明懷我德音身受光榮

否 踐履危難脫厄去患入臨喜門見吾母君

同人 宮商既和聲音相隨驪駒在門主君以歡

大有 天地配享六位光明陰陽順序以成厥功  
豫 江河淮海天之奧府衆利所聚可以饒有樂

我君子 否之坤

隨 雙鳥並飛欲歸稻池徑涉藿澤爲矢所射傷

我胸臆 屯之旅比之晉

蠱 伯仲叔季日暮寢寐裸臥失明喪我貝囊銜

卸道傍

臨 受終文祖承衰復起以義自閑雖苦无咎

觀 旋斗運樞順天無憂與樂並俱 益之節

噬嗑 周師伐紂戰於牧野甲子平旦天下悅喜

賁 十雌百雛常與母俱抱雞搏虎誰敢害者

剝 桀跖並處人民愁苦擁兵荷糧戰於齊魯

復 南山昊天刺政閔身侯悲無辜皆憎爲仇

无妄 百川朝海流行不止道雖遼遠無不到者

大畜 日不可合憂來搖足悚惕危懼去其邦域

頤 鳥升鵠舉照臨東海危降庭堅爲陶叔後封

於蓼丘福履綏厚

大過 北方多棗橘袖所聚荷囊載香盈我筐筥

坎 懸貍素餐食非其任失望遠民實勞我心  
離 羔羊皮革君子朝服輔政扶德以合萬國

咸 齊魯爭言戰於龍門構怨致禍三歲不安坤

離同人之  
睽比之蠱

憤 久陰霖雨塗行泥潦商人休止市空無有

遯 桃鵠竊脂來於小枝搖動不安為風所吹寒

心悚慄常憂殆危

大壯 防患備災凶禍不來雖困無災

晉 引頸絕糧與母異門不見所權孰與其言

明夷 鮪蝦去海藏於枯里街巷偏隘不得自在

南北無極渴餒成疾

家人 恭寬信敏功加四海辟去不祥喜來從母

睽 歲飢無年虐政害民乾溪驪山秦楚結怨

蹇 右目無瞳偏視寡明十步之內不知何公

解 蝸蟾歡喜草木嘉茂百果蕃熾日益庶有

損 常德自如安坐無尤幸入貴鄉到老安榮絕

無作

益 狡兔趨趨犬良逐昨雄雉受害為鷹所獲



夫春桃生花季女宜家受福多年男為封君  
 姤山石朽弊稍崩墮落下上離心君失其崇  
 萃水壞我里東流為海龜鳧謹譁不睹我家  
 升十竅龍身造化八元法天則地順時施行富  
 貴長存

困四夷慕德來興我國文君降涉合受其德  
 井華首山頭仙道所遊利以居止長无咎憂  
 革鸛鳩徙來西至平州遭逢雷電損我葦蘆家  
 室飢寒思吾故初

鼎狗無前足陰雄叛北為身害賊

震陽孤亢極多所恨惑車傾蓋亡身常驚惶乃

得其願雌雄相存

乾之屯

艮空槽住猪豚彘不至張公祝雞雄父飛去  
 漸長夜短日陰為陽賊萬物空枯藏於北陸  
 歸妹爪牙之士怨毒祈父轉憂於已傷不及母  
 豐拜跪請免不得臭腐俛首銜指不得北去  
 旅有莘季女為王妃后貴夫壽子母字四海  
 巽季姜躊躇待孟城隅終日至日不見齊侯

兌 邯鄲反言父兄生患涉此憂懼卒死不還  
 渙 逐鹿山巔利去我西維邪南北所求不得  
 節 穿鼻繫珠為虎所拘王母祝福禍不成災突  
 然自來

中孚 虎豹熊羆遊戲山谷君子仁賢亦得所欲  
 小過 梅李冬實國多盜賊擾亂並作王不得制  
 既濟 望幸不到文章未就羊子逐兔犬蹄不得  
 未濟 千柱百梁終不傾僵仁智輔聖周宗寧康  
 豫之第十六

豫 冰將泮散鳴雁雍雍丁男長女可以會同生  
 育賢人

乾 龍馬上山絕無水泉喉焦唇乾口不能言  
 坤 蔡侯朝楚畱連江濱踰時歷月息其后君  
 屯 文厄美里湯囚夏臺仁聖不害數困何憂免  
 於縲紲為世明侯

蒙 典冊法書藏在蘭臺雖遭亂潰獨不遇災  
 需 羶裘羶國文禮不飭跨馬控弦伐我都邑  
 訟 星隕如雨力弱無輔強陰制陽不得安土

師 蝗嚙我稻驅不我去實穗無有但見空藁  
比 虎飢欲食爲螾所伏禹導龍門避咎除患元  
醜以安

小畜 蝙蝠夜藏不敢晝行酒爲酸漿魴晁鮑羹  
履 精華墜落形掩醜惡齟齬挫頓枯槁腐蠹  
泰 兩足不獲難以遠行疾步不能後倡失時  
否 令妻壽母宜家无咎君子之歡得以長久  
同人 飢蠶作室緡多亂纏緒不可得  
大有 子鉏執麟春秋作陰元聖得終尼父悲心

謙 螟虫爲賊害我稼穡盡禾殫麥秋無所得  
隨 憂在腹內山崩爲疾禍起蕭牆竟制其國  
蠱 茹芝餌黃飲食玉瑛神與流通長無憂凶  
臨 一夫兩心技刺不深所爲無功求事不成  
觀 十里望烟散渙四方形容威亡終不見君  
噬嗑 張弓控弩經涉山道雖有伏虎誰敢害者  
賁 泉閉澤竭主母飢渴君子困窮乃徐有說  
剝 野猿山鵲奕碁六博三梟四散主人勝客  
復 羊驚馬走上下揮擾鼓音不絕項公奔敗

无妄 黄帝神明八子聖聰俱受大福天下平康  
大畜 住馬酸酒疾風暴起泛亂福器飛揚位卓

明神降佑道無害寇

頤 騰蛇乘龍宋鄭飢凶民食草蓬

大過 揚水潛鑿使石潔白衣素表朱遊戲臯澤

得君所欲心志娛樂

坎 西過虎廬驚我前驅雖憂無危

離 衣成無開不知所穿客指東西未得使安

咸 晨風文翰隨時就温雌雄相和不憂殆苑

恒 心多悔恨出言為怪梟鳴室北聲醜可惡請  
謁不得

遯 離女去夫閔思苦憂齊子無良使我心悲

大壯 過時不歸雌雄苦悲徘徊外國與叔分離

晉 鵲巢柳樹鳩奪其處任力德薄人命不佑

明夷 鶴盜我珠逃於東都鵠怒追求郭氏之墟

不見踪跡使伯心憂

家人 夫婦相背和氣弗處陰陽俱否莊姜無子

睽 月走日步趣不同舍妻夫反目主君失居

蹇 洛陽嫁女善逐人走三寡失夫婦妒無子  
解 周德既成杼軸不傾大宰東西夏國康寧  
損 日中爲市交易資寶名利所有心悅以喜  
益 僮妾獨宿長女未室利無所得

夫 忠言輔成王政不傾公劉兆基文武綏之  
妒 牛驥同堂郭氏以亡國破爲墟主君奔走  
萃 中原有菽以待雉食飲御諸友所求大得  
升 多虛少實語不可知尊空無酒飛言如雨  
困 青蠅集蕃君信讒言害 傷忠患生婦人

井 履株復輿馬驚傷車步爲我憂

革 商風召寇呼我北盜間諜內應與我爭鬪殫  
已寶藏主人不勝

鼎 逸豫好遊不安其家或有少姬久迷不來  
震 吾有驩駟畜之以時東家翁孺來詣我車價  
極可與後無賊悔

艮 厄窮上通與堯相逢登升大麓國無凶人  
漸 衆兔俱走熊羆在後騎不能進失信寡處  
歸妹 旁行不遠三息復返心多畏患日中止舍

豐 倉皇奉使中山以孝文侯悅喜繫子徵召  
旅 入天門守城戶君安樂不勞苦文山蹲鴟肥  
膾多脂王孫獲願載福巍巍

吳 登階上堂見吾父兄左酒右漿與福相迎

兌 秋蛇向穴不失其節夫人姜氏自齊復入

渙 忍醜少羞有面無頭耗減寡虛日以削消

節 景星照堂麟遊鳳翔仁施大行頌聲並興

中孚 干旄旌旗執幟在郊雖有寶珠無路致之

師之隨  
履之解

小過 李花再實鴻卵降集仁德以興蔭國受福

小畜之離  
比之訟

既濟 白鳥赤鳥戰於東都敗悔為憂

未濟 採薪得麟大命殞顛豪雄爭名天下四分

屯之  
坤

隨之第十七

隨 鳥鳴東西迎其羣侶似有所屬不得自專空

返獨還

乾 鼻目易處不知香臭君迷於事失其寵位

坤 唐虞相輔鳥獸喜舞安康無事國家富有

屯 左輔右弼金玉滿匱常盈不亡富如敖倉師之

歸妹蒙之坤

蒙 東龍見獨與石相觸摧折兩角

需 鈞日厭部善逐人走來嫁無夫不安其廬

訟 逐兔驅狼避去不祥凶惡北行與善相逢

師 齋貝贖狸不聽我辭繫於虎鬚牽不得來需之

睽同人之否否之革

比 同載共輿中道別去喪我元夫獨與孤苦比之

革

小畜 奮翅鼓翼將之嘉國愆期失時乃得所欲

履 目傾心惑夏姬在側申公顛倒巫臣亂國

泰 搏鳩彈鵲獵兔山北丸盡日暮失獲無得

否 鹿求其子虎廬之里唐伯李耳貪不我許

同人 敗魚鮑室臭不可息上山履塗歸傷我足

大有 花燈百枝消暗衰微精光訖盡奄有灰飛

謙 顏叔子夏遊遨仁宇溫良受福不失其所

豫 梁柱堅固子孫蕃熾福喜盈積終無禍悔

蠱 邊鄙不寧民狎於野嗇人成功年歲大有  
 臨 蝸池鳴呵呼我水潦雲雨大會流成河海  
 觀 志合意同姬姜相從嘉偶在門夫子悅喜  
 噬嗑 白馬騮駁更生不休富有商人利得如丘  
 賁 大似夏禹經啓九道各有攸處民得安所  
 剝 甲戌巳庚隨時轉行不失其心唐季發憤擒

滅子嬰

復 穆違百里使明厲武將帥襲戰敗於穀右  
 无妄 茆如本居與類相投願慕羣旅不離其巢

大畜 伯仲叔季日暮寢寐坐臥失明喪其貝囊

頤 亡羊補牢張氏失牛駢駟奔走鵠盜我魚之姑

大壯

大過 雀目燕頰畏昏無光思我狡童不見子充  
 坎 入和出明動作有光運轉休息常樂允康  
 離 不勝私情以利自嬰北室出孤毀其良家  
 咸 稱幸上靈媚悅於神受福重重子孫蕃功  
 恒 齊姜叔子天命在位實沉參墟封爲康侯  
 遯 遨遊無患出入安全長受其歡君子萬年



大壯 被服文德升入大麓四門雍肅登受大福  
慈鳥鳴鳩執一無尤寢門內治君子悅喜

晉 負金懷玉南歸嘉國蜂蠆不螫利入我室

明夷 日在阜顛嚮昧為昏小人成羣君子傷倫

家人 水火父母先來鳴响澤高之上從高而處

睽 東隣少女為王長婦柔順利貞宜夫壽子

蹇 戴餅望天不見星辰願小失大福逃於外願當

顧作

解 王喬無病狗頭不痛亡跛失履乏我徒從之謙

謙

損 使燕築室身無庇宿家不容車後我衣服

益 威權分離身夜徘徊羣敝月光大人誅傷人家

之无  
妄

夬 辯變白黑巧言亂國大人失福君子迷惑

姤 衣鋸甲鎧敝筐為具大人不顧少婦不取棄

捐於道

萃 燕雀銜泥以生孚乳兄弟六人交好孝悌得

心歡欣和悅相樂

小畜  
之巽

升 登几上輿駕駟南遊合從散衡燕秦以強  
困 黯黯許許仇禍相得冰入炭室消亡不息許許

當作許許

井 鴟鴞破斧邦人危殆賴其忠德轉禍為福傾  
危復立

革 載金販狗利棄我走藏匿淵渠悔折為咎

鼎 淵坑復平宇穴安寧憂患解患賴福長生

震 驪姬讒嬉與二孽謀譖我恭子賊害忠孝駕

出喜門商伯有害

艮 剗羊不當血少無羹女執空筐不得採桑

漸 牧羊稻園聞虎喧 畏懼悚息終無禍患

歸妹 明德隱伏麟得遠匿周室傾側不知所息

豐 隣不我顧而求寶玉身多禿癩誰肯媚者

旅 初雖無輿後得載車賴幸逢福得離兵革

巽 水壞我里東流為海龜鳧懼囂不堵王母

兌 兩心不同或欲西東明論終始莫適所從

渙 天帝懸車廢禮不朝攘服不制失寵其家

節 交川合浦遠溼難處水土不同思吾皇祖

中孚 勾踐之危棲於會稽太宰譏言越國復存  
小過 慈烏鳴鳩執一無尤寢門內治君子悅喜

隨之  
大壯

既濟 當年早寡孤與獨居雞鳴犬吠無敢問者  
我生不遇獨罹寒苦

未濟 江海變服淫緬無測高位顛崩寵祿反覆  
蠱之第十八

蠱 紡生江淮一轉為百周流四浸無有難惡

紡當

作  
魴

乾 首釋與目載受福慶我有好爵與喜相迎  
坤 輶輶輶輶歲暮編敝寵名弃捐君襄在位  
屯 折箬蔽日屏遮王目司馬無良平子沒傷  
蒙 家在海隅繞旋深流王孫單行无妄以趨固  
陰沍寒常冰不温後入墮胎大雹為害  
需 執義秉德不危不殆延頸盤桓安其室垣屯  
耗未得終無大恤

訟 長舌亂國大斧破車陰陽不順姬姜衰憂  
師 二人共路東趨西步千里之外不相知處

比 視暗不明雲蔽日光不見子都鄭人心傷  
小畜 初憂後喜與福爲市八佾列陳飲御嘉友  
履 僮妾獨宿長女未室利無所得

泰 玄黃四塞陰雌伏謀呼爲墻屋爲巫所識

否 中歲摧隤常恐衰微老復賴慶五穀爲相

同人 伯氏殺牛行悖天時亳社夷燒朝歌丘墟

大有 日短夜長祿命不光早離父兄免見分張

謙 采唐沫鄉徼期桑中失心不會憂息忡忡

豫 昧視無光夜不見明冥抵空牀季葉逃亡

隨 舉趾振翼南至嘉國見我伯姊與惠相得

臨 則天順時周流其墟與樂並居無有咎憂

觀 蠶室蜂戶螫我手足不可進取爲我害咎

噬嗑 公孫駕驪載遊東齊延陵悅產遺季紵衣

賁 轉作驪山大失元心劉季發怒命滅子嬰

剝 羊腸九縈相推稍前止須王孫乃得上天

復 蟠螭充側佞人傾惑女謁橫行正道壅塞

无妄 福祿不遂家多怪崇麋鹿悲鳴息其大雄

大畜 雲雷因積大雨重疊久不見日使我心悒

頤 三河俱合水怒踴躍壞我王室民因無食  
大過 旦雨夜行早遍都城更相覆傾終無所成  
三頭兩眼不見其真

坎 褒后生蛇經老育微側跌哀公酒減黃離

離 鴻雁南飛隨陽休息轉送天和千里不哀

咸 後時失利不得所欲

恒 心多恨悔出言為怪梟鳴室北聲醜可惡請  
謂不得

遯 四馬過隙時難再得尼父孔聖繫而不食

大壯 陰變為陽女化為男治道得通君臣相承

晉 崑崙源口流行不止鯀伊砥柱民不安處母  
歸扶子黃塵悅喜

明夷 葛纒蒙棘花不得實讒佞亂政使恩壅塞  
家人 公無長詢天王駁馬非其所當傷折為患  
睽 大倉充盈萬物蕃成年歲熟榮

蹇 執簧炤犧為風所吹火滅無光不見玄黃  
解 鳥反故巢歸其室家心平意正與叔相鳴登  
高殞墜失其寵貴

損 弩弛弓藏良犬不烹內無怨女征夫在堂  
 益 牡犧孔博日新其德文君出獵姜氏受福  
 夫 秋季冬孟寒露霜降大陰在庭庶物不生雞  
 鳴犬吠家憂數驚

姤 心多恨悔出門見怪反蛇三足醜聲可惡嫖  
 母為媒請求不得

萃 虎豹爭強道閉不通小人權訟貪天之功  
 升 雞方啄粟為狐所逐走不得食惶怖惕息  
 困 陳媯敬仲兆興齊姜乃適營丘八世大昌

井 昊天白日照臨我國萬民康寧咸賴嘉福  
 革 雲夢大藪索有所在虞人共職驪駒樂喜  
 鼎 獐鹿雞兔羣聚東國盧黃白脊俱往追逐九  
 斝十得主君有喜

震 德惠孔明主君復章保其室堂  
 艮 天之所壞不可強支衆口嘈嘈雖貴必危  
 漸 天之與隅堯舜所居可以全身保我邦家  
 歸妹 下泉苞稂十年九王荀伯遇時憂念周京

九一  
 作无

豐 江淮海隅衆利聚居可以遨遊卒歲無憂  
旅 南山黃竹三身六目出入制命東皇宣政主  
尊君安鄭國無患  
巽 重譯置之來除我憂喜樂俱居  
兌 南山高岡麟鳳室堂含和履中國無災殃  
渙 紫芝朱草生長和氣公尸侑食福祿來下  
節 宮成室就進樂相舞英俊在堂福祿光明  
中孚 商之子孫資無所食貪貝逐狐留連都市  
還轅內鄉嘉喜何咎

小過 執贄入朝獻其狐裘元戎燮安沙漠以權  
既濟 湧泉汨汨南流不絕洿爲淮海敗壞邑里  
家無所處

未濟 固陰沍寒常水不溫凌人怠惰大雹爲災  
臨之第十九

臨 弱水之西有西王母生不知老與天相保行  
者危怠利居善喜

乾 黃獮生子白戍爲母晉師在郊虞公出走  
坤 倉黃奉使中山以孝文侯悅喜繫子徵召

屯 機關不便不能出言精誠不通為人所冤  
 蒙 白茅醴酒靈巫拜禱神嗜飲食使君壽考  
 需 重瞳四乳目聰耳明普仁表聖為作元輔  
 訟 水漲無船破城壞堤大夫從役一朝無殞不  
 見少妻

師 六人俱行各遺其囊鴻鵠失珠無以為明  
 比 隨時轉行不失其常各樂厥類身无咎殃  
 小畜 蔡女蕩舟為國患憂衰后在側屏蔽王目  
 早衰六畜

履 駕龍騎虎周遍天下為神人使西見王母不

憂危殆

泰 胥恐之吳畫策闔閭鞭平服荆除大咎殃威  
 震敵國還受上卿

否 唐邑之廬晉人以居虞叔受福寔沈是國世  
 載其樂

同人 管鮑相知至德不離三言於桓齊國以安  
 大有 三十無室長女獨宿心勞未得憂在胸臆  
 謙 散渙水長風吹我鄉火滅無光隳敗桓功





豫 蜻飛蠕動各有配偶小大相保咸得其所  
隨 安樂几筵未出玉門

蠱 大生災禍下土恩塞觝亂我國

觀 長生無極子孫千億柏柱載梁堅固不傾

噬嗑 欽敬昊天曆象星辰宜受民時陰陽和調

賁 三河俱合水怒踴躍壞我王室民困於食

剝 壽如松喬與日月俱常安康樂不離禍憂

復 天之所予福祿常在不憂危殆

无妄 受讖六符招搖室虛雖跌無憂保我命則

大畜 齋金買車失道後時勞罷為憂

頤 華首山頭仙道所遊利於居止長无咎憂

大過 采唐沫鄉徼期桑中失信不會憂思絢帶

坎 人面九口長舌為斧斲破瑚璉殷商絕後

離 臨溪橋疾雖恐不危樂以笑歌

咸 泱泱沸溢水泉為害使我無賴

恒 蝗螟為賊害我稼穡秋飢於年農夫鮮食

遯 六百諸侯不期同時慕西文德興我宗旅家

門雍睦

大壯 長男少女相向笑語來歡致福和悅樂喜  
晉 平國不君夏氏作亂鳥號竊發靈公殞命  
明夷 春多膏澤夏潤優渥稼穡成熟畝獲百斛  
家人 客宿臥寒席蓐不安行爲危害留不得歡  
睽 乘槎浮海雖懼不殆母載其子終焉何咎  
蹇 手拙不便不能伐檀車無軸轅行者苦難  
解 唐虞相輔鳥獸率舞民安無事國家富有  
損 秋蛇向穴不失其節夫人姜氏自齊復入  
益 病篤難醫和不能治命終永訖下卽蒿廬

夫 青蛉如雲城邑閉門國君衛守民困於患  
妬 牙孽生齒室堂啓戶出入利真鼓翼起舞  
萃 鳧游江海役行千里以爲死亡復見空桑長  
生樂鄉

升 黃帝出遊駕龍乘鳳東上泰山南遊齊魯邦  
國咸喜

困 履危不止與鬼相視驚恐失氣如騎虎尾  
井 秋南春北不失消息涉和履中時無陰匿  
革 龍門砥柱通利水道百川順流民安其居

鼎 千歲廟堂棟橈傾僵天厭周德失其寵光  
 震 折箬蔽目不見稚叔五足孤鳥遠離室家  
 艮 望叔山北陵隔我目不見所得使我心惑  
 漸 匏瓠之息一畝十室萬國都邑北門有福  
 歸妹 域域牧牧憂和相伴隔我巖山室家分散  
 豐 麒麟騷耳遊食萍草逍遙石門循山上下  
 旅 天所祚昌文以為良篤生武王姬受其福  
 巽 羊腸九縈相推稍前止須王孫乃能上天  
 兌 貧鬼守門日破我盆孤牝不駒雞不成雛

飽食從容入門上堂不失其常家無咎殃  
 節 陰淫不止白馬為海澤臯之子就高而處  
 中孚 執戈俱立以備暴急千人舉龍困危得海  
 終安何畏

小過 夾河為婚水漲無船追心失望不見歡君  
 既濟 陰陽變化各得其宜上下順通奏為膚功  
 未濟 狂劣德薄失其臣妾田不見禽犬無所得



